

T-DERM ONCE ANTIFUNGAL SPRAY 1% W/V

Terbinafine Hydrochloride (1% w/v)

Apakah yang ada pada risalah ini

1. Apakah kegunaan T-Derm ONCE Antifungal Spray 1% w/v
2. Bagaimana T-Derm ONCE Antifungal Spray 1% w/v berfungsi
3. Sebelum menggunakan T-Derm ONCE Antifungal Spray 1% w/v
4. Cara menggunakan T-Derm ONCE Antifungal Spray 1% w/v
5. Semasa menggunakan
6. Kesan-kesan sampingan
7. Cara penyimpanan dan pelupusan T-Derm ONCE Antifungal Spray 1% w/v
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan T-Derm ONCE Antifungal Spray 1% w/v

Untuk rawatan jangkitan kulat pada kulit seperti kaki atlet (tinea pedis), gatal pangkal paha (tinea cruris), kurap (tinea corporis), panau (tinea versicolor) dan kandidiasis kulit.

Bagaimana T-Derm ONCE Antifungal Spray 1% w/v berfungsi

Terbinafine ialah *allylamine* yang mempunyai spektrum luas aktiviti antikulat dalam jangkitan kulat pada kulit. Ia bertindak sebagai racun kulat terhadap dermatofit, acuan dan kulat dimorf tertentu. Ia mempunyai tindakan *fungicidal* atau *fungistatic* pada yis bergantung kepada spesies yang terlibat.

Sebelum menggunakan T-Derm ONCE Antifungal Spray 1% w/v

-Bila tidak boleh menggunakan
Jangan guna jika anda mempunyai alahan terhadap sebarang bahan kandungan dalam T-Derm ONCE Antifungal Spray 1% w/v.

T-Derm ONCE Antifungal Spray 1% w/v tidak digalakkan untuk digunakan pada wanita hamil dan menyusukan.

-Sebelum menggunakan

Rujuk kepada doktor atau ahli farmasi sebelum menggunakan produk ini jika anda mempunyai sebarang penyakit.

Mengandung dan menyusukan anak

Dapatkan nasihat doktor atau ahli farmasi jika anda mengandung, merancang untuk

mengandung atau sedang menyusukan anak sebelum menggunakan sebarang ubat.

Ubat ini tidak patut diberikan semasa hamil kecuali manfaat berpotensi melebihi risiko berpotensi. Terbinafine diekskresikan dalam susu ibu dan walaupun kandungannya sedikit, ibu tidak patut menerimanya semasa penyusuan. Bayi juga tidak patut bersentuhan dengan mana-mana kulit dirawat, termasuk payudara.

-Jika menggunakan ubat-ubat lain

Beritahu doktor jika anda mengambil sebarang ubat lain, termasuk ubat yang dibeli tanpa preskripsi dari farmasi, pasar raya, atau kedai makanan kesihatan.

Cara menggunakan T-Derm ONCE Antifungal Spray 1% w/v

-Berapa banyak harus digunakan
Jika penggunaan T-Derm ONCE Antifungal Spray 1% w/v telah ditetapkan oleh doktor anda, sila ikut arahan doktor.

Jika anda membeli produk ini tanpa arahan cara penggunaan daripada doktor atau ahli farmasi, anda boleh mengikut cara penggunaan seperti berikut:

- Goncang botol ulang-alik dengan membalikkan botol sebelum digunakan.
- Cuci and keringkan bahagian jangkitan kulat. Sembur T-Derm ONCE Antifungal Spray 1% w/v di sekitar bahagian yang terjangkit dengan berhati-hati, sekali sehari.

-Bila perlu digunakan

Satu kali sehari selepas bersihkan dan keringkan bahagian jangkitan. Penggunaan yang berterusan diperlukan untuk keberkesanan.

-Berapa lama perlu digunakan

Rawatan perlu digunakan sekurang-kurangnya selama 2 minggu berterusan walaupun selepas kehilangan tanda-tanda jangkitan bagi mengelakkan jangkitan semula.

Sila hubungi doktor anda jika gejala tidak bertambah pulih dalam 4 minggu.

-Jika terlupa menggunakan

Gunakan sebaik sahaja anda teringat. Sekiranya sudah hampir masa untuk dos seterusnya, abaikan dos yang tertinggal dan teruskan penggunaan ubat mengikut jadual seperti biasa. Jangan gunakan dos berganda untuk menggantikan dos yang tertinggal.

-Jika menggunakan berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat jika dos berlebihan telah digunakan.

Jika anda secara tidak sengaja terterlan sejumlah besar ubat, gejala yang mungkin berlaku termasuk sakit kepala, loya, muntah, sakit epigastrik dan pening.

Sekiranya tertelan ubat secara tidak sengaja, lavage gastrik dan/atau rawatan sokongan simptomatik harus dilakukan secepat mungkin.

Semasa menggunakan

-Perkara yang perlu dilakukan
Guna ubat anda mengikut arahan doktor.

Beritahu doktor anda dengan segera jika anda hamil semasa menggunakan ubat ini.

-Perkara yang tidak boleh dilakukan

Jangan berikan ubat ini kepada orang lain, walaupun mereka mempunyai simptom atau keadaan yang sama seperti anda.

-Perkara yang perlu diberi perhatian

Untuk kegunaan luar sahaja. Elakkan sentuhan atau penggunaan ubat ini pada mata, hidung atau mulut, atau di dalam faraj. Jika ubat terkena di kawasan tersebut, bilas dengan banyak air. Tidak boleh dimakan.

Kesan-kesan sampingan

Seperti ubat-ubatan lain, ubat ini boleh menyebabkan kesan sampingan, walaupun bukan semua orang akan mengalaminya.

T-DERM ONCE ANTIFUNGAL SPRAY 1% W/V

Terbinafine Hydrochloride (1% w/v)

Jumpa doktor atau ahli farmasi anda dengan segera jika anda mengalami sebarang kesan sampingan selepas menggunakan ubat ini.

Kemerahan, gatal-gatal atau kepedihan mungkin berlaku pada bahagian yang disapu dengan ubat.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers* → *Reporting Side Effects to Medicines (ConSERF)* or *Vaccines (AEFI)*].

Cara penyimpanan dan pelupusan T-Derm ONCE Antifungal Spray 1% w/v

-Penyimpanan

Simpan di bawah suhu 30°C. Jauhi daripada kanak-kanak.

-Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

Rupa dan warna produk

Larutan tanpa warna yang berbau khas.

-Bahan-bahan kandungan

-Bahan aktif:

Terbinafine Hydrochloride 1% w/v.

-Bahan-bahan tidak aktif: *Methylated Spirit* (mengandungi 57.24% alkohol), *Propylene Glycol*, *Fragrance* dan *Purified Water*.

-Nombor MAL

MALXXXXXXXX

Pengilang

Syarikat Wen Ken Drug Sdn Bhd
24, Jalan Lambak, Taman Johor,
81200 Johor Bahru, Johor,
Malaysia.

Pemegang Pendaftaran Produk

Aetos Pharma Sdn. Bhd.
66B, Tingkat 2, Jalan Cerdas, Taman
Connaught, 56000 Kuala Lumpur,
Malaysia.

Tarikh kemaskini RiMUP

06/03/2026

Nombor Siri

NPRA (R2) 26/022